

DIADELPHIA.

PENTANDRIA.

72. MONIERA.

Radix annua, fibrosa.

Caulis pedalis, a medio sursum dichotome divisus, glaber, in summo pubescens.

Folia inferiora opposita; superiora sæpe alterna, ternata: foliis oblongis, integerrimis, pubescentibus, intermedio paulo majore in pedicellum attenuatum. Petiolus communis teres, foliis paulo brevior.

Flores alterni, in spica divaricata, *pedunculo* e dichotomia ramorum summorum vel axillis foliorum supremorum exeunte, filiformi, erecto, sustentato *spica* bipartita; ramis divaricatis, simplicibus, rectis, fere horizontalibus vel paulo adscendentibus: rachi leviter flexuosa, floribus alternis, sessilibus cum solitario ex divisione spicæ, secundis.

Bractea nullæ, sed Calycis lacinia superior & lateralis exterior, bracteas mentiuntur.

Corolla omnino alba est.

CAL. *Perianthium* quinquepartitum: *laciniis* inæqualibus; superiore lineari, longa, incurva, florem obtegente; laterali exteriore dimidio breviori, lanceolata; reliquis brevibus, obtusis, persistentibus.

COR. tubulata, ringens, brevior calycis lacinia superiore. *Tubus* cylindricus, in medio contractior, curvus. *Limbus* bilabiatus, quinquefidus: *labio sup.* indiviso, ovato, obtuso; *lab. inf.* quadrifido, recto, laciniis oblongis, obtusis.

NESTARIUM squama ovata ad basin germinis, infra filamentum inferius.

STAM. *Filamenta* duo, plana, membranacea, quorum *superius* concavum, apice bifidum; *inferius* planum apice trifidum.